

BLOYS.



BLOY S, elegans florentissima Gallie, & celeberrimi nominis vrbs, cum propter vetustate, tum quod augustissima multorum Principum, & illustrium virorum procreatrix fuerit: Ligeris fluminis ripam, situ partim collibus inequali, partim plano exornat. Qua de causa, plerisque in locis deambulandi quandam difficultatem præbet, quam tamē incommoditatem, gratissima soli, aërisque felicitas, non mitigat modò, sed & infinitis parasangis superat. Tanta siquidem ex suauissimo aëris temperamento huius loci, omnium & iudicio, & experientia, salubritas nascitur, vt permulti summæ dignitatis homines, in eo sibi tutioris & diuturnioris vitæ gratia domicilia deligant. Agrum habet tam amœnum vitibus pulcherrimis, omni frumentorum genere, fructiferisque arboribus luxuriantem, vt nulli in vniuersa Gallia, vberimo tritici, ac præstantissimi vini prouentu cedat. Est etenim locus vniuersus, ob miram elegantiam, spectatu iucundissimus, in quo nihil eorum desideres, quæ vel necessitas, vel vltra eam voluptas requirat. Ea est amœnitas & aquarum, dulcissimorumque fontium, hoc situ erumpentium, riuulorum item, sinuosis flexibus, gratissimo murmure delabentium, vt maxima hinc aëris oriatur salubritas, quem permollem & placidissimum vniuersa hæc regio habet, adeo quidem, vt magnifici, potentesque homines, sanitatis amissæ recuperandæ gratia, huc, ex Medicorum consilio, sese recipiant. Quare Regum Ducumque filij, hac in vrbe vt plurimum educuntur, & ipsi etiam Gallie Reges, in ea potissimum resident. vnde ciuitas Regia vulgò cognominatur. Et quâquam tanta sit vrbs, agrique vicini venustas, non est tamen vrbs ipsa veterum historicorum monumentis celebrata, qui de ijs potissimum gentibus, & ciuitatibus scriptis suis aliquid prodiderunt, quæ ipsis armorum præsidij resisterunt, quas aut obsidione cingere, aut expugnare cogebantur. Et quamuis curiositatem eorum cōmendem, qui accuratissimo antiquitatis studio ferunt, locum d'Orcheze, secundo ab hac vrbe lapide, Iulij Cæsaris horreum fuisse, quo comeatū & annonam pro exercitus conseruatione reponeret, quemadmodum collapsæ maximorum ædificiorum ruinae testantur: ramen non existimo eo loci, quondam prima huius vrbs fundamēta collocata fuisse, eò, quod veteres Galli in condendis vrbibus, aspera, mōtosa, & ascensu difficilia loca, fluminibus vicina, deligere solebant. Nihilo tamē minus, urbem hanc perantiquam esse, argumento est, locus quidam in Gregorio Turonensi, qui inquit, quod tempore Regis Gontrandi, Anno salutis 560. cum Iberulphum, qui ad sanctum Martinum Turonensem confugerat, capere niteretur, Aurelianensibus & Blesiensibus imperatū, vt ipsum obseruarent, cauerentque diligenter, ne sibi fuga consuleret. In ipsa porro ciuitate, castrum in rupe, eleganti situ & ab oppido separatum, conspicitur, sedem & pallatium regi præbens, vnde visus cum in ipsam urbem, tum vicinū in agrum amœnum atque compascuum, incredibili suauitate panditur. Duæ hinc magnificæ sunt Ecclesiæ: Altera in ipso castro S. Saluatori dicata, & à Comitibus, & qui his successerunt, Regibus, amplissimis dotata redditibus. Altera D. Iacobo sacra. Duæ item abbatiæ Blesensem hanc urbem cōmendant. Altera S. Lomerij, Anno salutis 927. à Rodolpho Burgundione Gallie Rege dotata, atque cōstructa. Altera nostræ dame de Bourgmoynes dicitur, de cuius prima fundatione, nihil in publica scriptorum monumenta redactum inuenitur. Sunt porro aliæ complures in hac vrbe ædes, rebus diuinis dicatæ, quas omnes enumerare nimis longum foret. In quibus magnifica Regum ac Principum sepulchra, ex cupro, alabaistro, & præstanti lapide politè facta, conspiciuntur, potissimum verò in Ecclesia S. Saluatoris, in qua Ludouicus & Guido Comites Blesenses tymbo, elegantissimi artificu opere perfectò, continetur. Et Valentina Mediolanensis vxor Ludouici Ducis, Lutetie Parisiorum occisi, per factionē Ducis Burgundiæ. Et Ioannes Albanie Dux, alijque complures genere & virtute præstantissimi Heroes. Sunt insuper passim in hac vrbe aqueductus varij, qui effossis, magno spatio intimis terræ visceribus, structisque opere lateritio fornicibus, magno quoque, fastu visendos se præbent, idque tanto spatio & altitudine, vt tribus equitibus iunctis facile transitum concedant. Plerisque etiam locis, excisis durissimorum montium rupibus, tantis impensarum sumptibus perfecti conspiciuntur, vt fidē narratio excedere videatur, nisi oculis conspicias. Tanti operis planè admiranda ratio, Romanorum olim opes viresque, in eo elaborasse omnino conuincit, etiam si historicorum Romanorum scripta nullam tantæ rei memoriam celebrent. Cum eadem etiam silentio inuoluant, ædificia apud Nemausenses admodum celebria, Amphitheatrum Burdigalæ, & magnifica apud Pictones ædificia, Aqueductus item Parisijs admodum celebres. Huc accedit, prisca ædificandi & cementi ratio, quæ in muris castri, ac vrbs obseruata, Romanam antiquitatē redolet, & rudera passim, quæ ex terræ visceribus quandoque eruantur. Ciues porro & incolæ vrbs, suauis quadam & politica sympathia, cum miti aëris clementia, agrique bonitate, conueniunt. Si quis etenim quanta eorum in familiaris congressu sit comitas, perpendat, quàm vrbana morum humanitas, quàm elegans sermonis facundia, & in dicendo ciuilitas, in victu item, amictuque splendor atque mundities, fateatur necesse est, hanc tantam, quæ, in hac vrbe singularis humanitatem & decentem morum ciuilitatem, natiam soli bonitatem, concomitari.